



## Atualizasaun ba públiku kona-ba situasaun Covid-19 iha RAEOA ZEESM-TL

30 de Dezembro de 2020

Hanesan públiku hatene, biar implementasaun protokolu Covid-19, RAEOA rejista kazu pozitivu tolu (3) iha loron 23 de Dezembro.

Kazu pozitivu nain tolu nee, rua ema timor oan no ida ema husi Indonesia ne'ebe servisu esensial iha Oe-Cusse no kazu nain tolu hotu mai husi Indonesia.

Hodi komplementa informasaun ne'ebé publika iha konferénsia imprensa ikus RAEOA hakarak esklaresse ba publiku katak sidadaun Indonesia tama liu husi fronteira tuir regras no hatudu test Covid ne'ebe negativu antes de ba kuarentena. Sidadaun Timor oan rua mak hetan kaptura kedas iha fronteira tan tama ilegal. Haktuir protokolu Covid-19, ema hotu ba kuarentena no molok atu sai husi kuarentena, autoridade saúde hala'o teste ba ema hotu no teste ida-ne'e hetan rezultadu positivu ba sidadaun Indonésiu no sidadaun Timor oan rua. Tan ne'e, sidadaun ne'ebé refere tama kedas fatin izolamentu no sei iha ne'eba too ninia test sei mosu negativu dala rua tuir-tuir malu.

Sidadaun timor oan ida ho defisiénsia visual tama ilegal (*jalan tikus*) no hetan ajuda husi maluk ida. Sira na'in rua hetan kaptura imediata husi efetivus husi Pilar 3 no 4 liu tiha sira nia entrada ilegal iha Oé-Cusse iha loron 11 de Dezembro 2020 no tuir sira nia kaptura sidadaun nain rua ne'e tama diretamente ba fatin karentena. Tan ne'e Autoridade esklaresse katak sidadaun nain rua ne'e la hala'o kontaktu ho comunidade iha Oé-Cusse.

Hanesan publiku no família husi ema ne'ebé hetan konfinamentu bele komprende RAEOA ZEESM-TL la bele simu dokumentu test Covid-19 husi nasaun seluk ne'ebé sidadaun ne'ebé tama tuir dalan ilegal koko atu apresenta liu tiha kaptura, tan dalan legal atu tama mai Timor-Leste iha no konserteza RAEOA ZEESM-TL sei konsidera no haka'as a'an hodi fo tulun ba sidadaun timor oan hotu-hotu ne'ebe dezeja atu hamutuk ho família desdeke sidadaun ne'e la tau risku ba saude publika iha Oé-Cusse.

Rejiaun kontinua hala'o koordinasaun ho servisu sentral saude hodi hala'o teste tan hodi konfirma se kazu ne'e falsu pozitivu, ka se pozitivu lolo's.

Nu'udar medida preventiva, RAEOA ZEESM-TL hala'o despistagem ba ema ne'ebé iha possibilidade kontatu ho ema iha kuarentena (contact tracing/ Penelusuran kontak). Rastreiu kontaktu ne'e, la signifika katak ema iha kuarentena biban atu halai sai husi kuarentena fatin no PNTL la hala'o ninia kna'ar vijia iha lokalizasaun kuarentena.

Rastreiu (screening/penyaringan) ne'e medida preventiva ne'ebé normal atu evita possível kontaminasaun lokal. Rezultadu ba rastreiu ba kontaktu ba dala-uluk hala'o tiha ona no la iha kazu ida ne'ebé pozitivu husi ema ne'ebé iha possibilidade atu hetan kontajiu husi moras ne'e. Rejiaun kontinua hala'o koordinasaun ho servisu sentral saude hodi aumenta rastreiu iha RAEOA ZEESM-TL.

Durante período ne'e, Rejiaun hatun sirkular ne'ebé hato'o sujestaun ba lojas ne'ebé karik seidauk biban atu kumpre regras ne'ebé hatu'ur uluk, ka/no ne'ebé hetan ona notifikasaun enserramentu forsadu ba loja tan la kumpre regras atu reforsa ninia medidas tan hahú husi loron publikasaun RAEOA ZEESM-TL sei hala'o vizita ba estabelesimentu hodi garante kumprimentu protocolos prevensaun.

Sekretaria Rejional Komérsiu no Indústria hahú ona ninia servisu sensibilizasaun ba regras no evita espekulasaun ba folin sasan iha merkadu.

Karik konsumidor ka loja na'in iha keixa balun kona-ba atuasaun ajente no funsionáriu públiku, bele hato'o keixa liu husi kontaktu tuir mai:

**Maximiano Neno**

Adjunto Presidente da Assuntos Social

+67077946444

Oebau, Pante Macassar, Oé-Cusse

FIM/RAMATA